

ARGITALPENAK. Ibilbideetako informazioaz gain, mendiarekin zerikusia duten beste hainbat datu jaso dituzte



JUAN CARLOS RUIZ / ARGAZKI PRESS

Ramon Olasagasti, erdian, Mikel Arrizabalaga eta Alberto Errazti liburuko bi kolaboratzaileekin batera.



Izenburua: 'Bidaide, Euskal Herria mendiz mendi, bidez bide'.
Argitaletxea: EUSKALDUNON EGUNKARIA.
Orrialdeak: 260.
Salneurria: 15 euro, harpidedunentzat 12 euro.

RAMON OLASAGASTI

Liburuaren koordinatzailea

«Euskal Herri osoko mendi ibilbideen berri eman dugu euskaraz. Gainera, ibilbide berriak jaso ditugu»

Txangoak bestelako datuekin osatuta daude, hala, ibilbidearen informazioa ez ezik inguruko herritako zenbait datu praktikoko ere jaso dira: non lo egin, zer ikusi, nola iritsi...

Bestalde, mendiarekin zerikusia duten beste hainbat datu jaso dituzte liburuko azken orrietan. Besteak beste, Euskal Herriko nekazaritza turismo eta mendiari buruzko web orrien berri izango du irakurleak.

Formatuari dagokionez, mendira eramateko moduko liburuxka egitea zen xedea. Era berean, diseinua eta argazkiak asko zaindu dira. Diseinu eta infografia lanetan, Maixa Olano, Alberto Peñalba eta Joxan Apeztegia aritu dira.

15 euroko salneurria izango du. EGUNKARIAKO harpidedunek merkeago eskuratu ahal izango dute, 12 euroren truke. Horretarako, eskaria EGUNKARIAren web orriko Harpidedunen Txokoan edo EGUNKARIA deituta egin beharko dute.

Mendi ibilaldiei buruzko gida argitaratu du EUSKALDUNON EGUNKARIAK

MUNDUMIRA gehigarrian argitaratutako 50 ibilbide egokitu dituzte *Bidaide, Euskal Herria mendiz mendi, bidez bide* liburuan

Nagore Rodriguez | **DONOSTIA**

EUSKALDUNON EGUNKARIAK mendi ibilbideei buruzko gida argitaratu du Gipuzkoako Foru Aldundiaren laguntzaz. MUNDUMIRA gehigarrian ostiralero argitaratzen diren ibilbideetatik 50 aukeratu eta osatu egin dituzte *Bidaide, Euskal Herria*

mendiz mendi, bidez bide liburuan.

Ramon Olasagasti MUNDUMIRA gehigarriko arduraduna izan da liburuaren koordinatzailea. Haren arabera, hiru dira liburuaren ekarpen nagusiak, «baketik, hizkuntzarena: euskaraz ematen du mendi ibilbideei buruzko informazioa. Bestetik, lu-

rraldetasuna: Euskal Herria bere osotasunean hartzen du; eta, azkenik, ibilbide berriak jasotzen ditu, asko ezezagunak egingo zaizkio irakurleari».

Bizkaiko, Gipuzkoako, Arabako, Nafarroako, eta Ipar Euskal Herriko hamarna txango jaso dituzte liburuan, «zailtasunari dagokionez, mendizale guztiei egokitutakoak».

Horretarako, beharrezkoa izan da kolaboratzaileen laguntza, «kolaboratzaileek berrikusi egin dituzte ibilbide gehienak, eta egon zitezkeen akatsak zuzendu dituzte», azaldu zuen


atzoko aurkezpenean Olasagastik.

Horren haritik, produktu berria dela esan zuen Alberto Erraztik, mendi ibilbideak osatzen aritu da. «Ibilbideak berriro egin ditugu, egon zitezkeen aldaketek ohartzeko, eta argazki berriak ere ateratu ditugu». Erraztiarekin batera, herrialde bakoitzeko txokoak ezagutarazteko ardura Joxean Gil-Garcia, Xabier Aranguren, Allande Sokarrosek, Mikel Arrizabalagak, Xabier Lasak, Koldo Aldazek eta Laratzu taldeak izan dute.

IBILBIDEAK



IBILBIDEAREN LEHEN ORRIA. Ibilbide bakoitzaren berri lau orritan ematen da. Lehen orrian ibilbidea nora egiten den zehazten da. Argazki dotore batekin osatzen da orrialdea. Horrekin batera, txangoaren zailtasuna, desnibela, iraupena eta bestelako datu zehatz batzuk ematen dira.



TXANGOAREN NONDIK NORAKOAK. Bigarren orrian txangoaren nondik norako zehatza azaltzen duen testua agertzen da; testuari infografia osatu batekin lagunduko dio. Erreferentziak ere zehaztasunez jakinarazten ditu, eta baita txangoaren gunera iristeko bide laburrena ere.



ARGAZKIA ETA IBILBIDEKO JAKINGARRIAK. Ibilbideko argazki bat aurkituko du irakurleak 3. orrian. Ondoan, ibilbidetik gertuen dauden herrietako ondare historiko eta artistikoaren berri zehatza jasotzen da, eta mendira joateaz gain egin daitezkeen bestelako kirol jardueren buruzko informazioa ere badago.



BESTELAKO JAKINGARRIAK. Azkeneko orrian, beste argazki bat jasotzen da, eta jakingarrien beste atal interesgarri bat. Herrietako edo eskualdeko turismo bulegoetako telefonoak agertzen dira, eta landa turismoen, hotelen, jatetxeen eta aterpeen telefono zenbakiak ere eskura izango ditu irakurleak.